



NOGOMETNI SAVEZ FEDERACIJE BOSNE I HERCEGOVINE

PROPOZICIJE

**takmičenja/natjecanja Omladinske lige BiH
grupa „Centar“ i „Jug“ za kadete i juniore
za takmičarsku/natjecateljsku sezonu 2020/2021**

Sarajevo: juli/srpanj 2020. godine

Broj: 507/20
Sarajevo: 01.07.2020.

Izvršni odbor Nogometnog saveza Federacije BiH na osnovu člana 32. Statuta NS Federacije BiH, na 40. sjednici održanoj 01.07.2020. godine u Sarajevu, a na prijedlog Komisije za takmičenje NS FBiH, donio je s l j e d e ć e:

PROPOZICIJE
takmičenja Omladinske lige BiH grupa „Centar“ i „Jug“ za kadete i juniore
za takmičarsku 2020/2021 godinu

I - OPŠTE ODREDBE

Član 1.

1.01. Ovim Propozicijama utvrđuje se način organiziranja i provođenja takmičenja/natjecanja u Omladinskoj ligi Bosne i Hercegovine u takmičarskoj 2020/2021 godini.

Član 2.

2.01. Omladinsko prvenstvo kadeta i juniora Bosne i Hercegovine za takmičarsku 2020/2021 godinu u drugom stepenu takmičenja BiH odvijće se u okviru Omladinske lige Bosne i Hercegovine podijeljene u četiri grupe: „Sjever“, „Centar“, „Zapad“ i „Jug“.

II - UČESNICI TAKMIČENJA

Član 3.

3.01. Takmičenje/natjecanje se organizuje u formi lige kadeta i juniora, podijeljene u četiri grupe, po kriteriju geografske povezanosti i ekonomske opravdanosti.

3.02. U takmičenju/natjecanju obavezno učestvuju juniorske i kadetske ekipe klubova Prve lige Federacije BiH, te juniorske selekcije klubova Premijer lige BiH koji ne učestvuju u takmičenju Omladinske Premijer lige za juniore.

3.03. Klubovi Druge lige FBiH, te klubovi Prve i Druge lige Republike Srpske mogu učestvovati prema prijavama za takmičenje.

3.04. Na osnovu ukazane potrebe za popunjavanje broja klubova (do broja 16) u Omladinskoj ligi BiH mogu učestvovati i klubovi i nižeg stepena takmičenja uz ispunjavanje kriterija: sportskih, infrastrukturnih, finansijskih i drugih ukoliko isti nastupaju sa seniorskom ekipom u ligama k/ž saveza. Ukoliko se za takmičenje Omladinske lige BiH prijavi veći broj klubova čiji seniori nastupaju u ligama k/ž saveza, a ispunjavaju navedene uslove, isti će razigravati za ulazak u takmičenje Omladinske lige BiH.

3.05. Ukoliko se otvori prostor za popunjavanje lige u Omladinskoj ligi BiH u cilju razvoja mladih nogometaša, mogu učestvovati kadeti i juniori klubova Premijer lige BiH.

3.06. Ukoliko jedan od klubova učesnika takmičenja sa juniorskom ekipom nastupa u Premijer omladinskoj ligi BiH za juniore, utakmice Omladinske lige BiH igrat će samo sa kadetskom ekipom, a mogu nastupati i sa juniorskom ekipom.

3.07. Ukoliko jedan od klubova učesnika takmičenja sa kadetskom ekipom nastupa u Premijer omladinskoj ligi BiH za kadete, utakmice Omladinske lige BiH igrat će samo sa juniorskom ekipom, a mogu nastupati i sa kadetskom ekipom.

Član 4.

- 4.01. Grupu „Centar“ sačinjavaju klubovi iz FS Kantona Sarajevo, NS Zeničko-Dobojskog kantona, NS Srednjobosanskog kantona/Kantona središnja Bosna, FS Bosansko-Podrinjskog kantona i PFS Istočno Sarajevo.
- 4.02. Grupu „Jug“ sačinjavaju klubovi iz NS Hercegovačko-Neretvanskog kantona/županije, ŽNS Županije Hercegbosanske, ŽNS Zapadnohercegovačkog i PFS Trebinje.
- 4.03. Grupu „Sjever“ sačinjavaju klubovi iz NS Posavske županije, NS Tuzlanskog kantona, PFS Bijeljina i PFS Doboj.
- 4.04. Grupu „Zapad“ sačinjavaju klubovi iz NS Unsko-Sanskog kantona, PFS Banja Luka, PFS Prijedor i PFS Gradiška.

III - RUKOVOĐENJE TAKMIČENJEM

Član 5.

- 5.01. Shodno odluci Nogometnog/fudbalskog saveza BiH takmičenja u grupama Omladinske lige BiH je ustupljeno entitetskim savezima.
- 5.02. Omladinskom ligom BiH grupa „Centar“ i grupa „Jug“ u takmičarskoj 2020/2021 godini rukovodi Nogometni savez Federacije BiH
- 5.03. Omladinskom ligom BiH grupa „Sjever“ i grupa „Zapad“ rukovodi Fudbalski savez Republike Srpske.
- 5.04. Entitetski savezi ne mogu ustupati vođenje takmičenja grupa Omladinske lige BiH kantonalnim, županijskim, odnosno, područnim savezima.

Član 6.

- 6.01. Takmičenjem Omladinske lige BiH grupa „Centar“ i „Jug“ rukovodi Izvršni odbor NS FBiH putem takmičarskih organa. Izvršni odbor NS FBiH donosi kalendar takmičenja i utvrđuje način žrijebanja klubova.
- 6.02. Takmičarski organi Omladinske lige BiH grupa „Centar“ i „Jug“ su:
 - Komesar za takmičenje - rukovodi takmičenjem, registruje utakmice, donosi prvostepene odluke, rješava žalbe u prvom stepenu, rješava sva pitanja iz takmičarskog dijela, određuje delegate za utakmice, vrši analizu obavljanja delegatske dužnosti;
 - Komesari za suđenje - delegiraju sudije i vrše analizu suđenja na svim utakmicama;
 - Disciplinski sudac - donosi prvostepene disciplinske odluke;
 - Apelaciona komisija - drugostepeni organ koji donosi odluke po žalbama na prvostepene odluke iz takmičarskog i disciplinskog dijela.

Član 7.

- 7.01. Komesara za takmičenje Omladinske lige BiH grupa „Centar“ i „Jug“ imenuje NS FBiH.
- 7.02. Komesare za suđenje Omladinske lige BiH grupa „Centar“ i „Jug“ imenuje FS RS.
- 7.03. Komesara za takmičenje Omladinske lige BiH grupa „Sjever“ i „Zapad“ imenuje FS RS.
- 7.04. Komesare za suđenje Omladinske lige BiH grupa „Sjever“ i „Zapad“ imenuje NS FBiH.

Član 8.

- 8.01. Takmičenje/natjecanje u Omladinskoj ligi BiH grupa „Centar“ i „Jug“ administrativno se vodi kroz COMET informacioni sistem.

IV - ORGANIZACIJA TAKMIČENJA

Član 9.

- 9.01. Takmičenje Omladinske lige BiH grupa „Centar“ i „Jug“ provodi se po dvostrukom bod-sistemu i vremenski utvrđenom kalendaru, sa dvije takmičarske polusezone, jesen i proljeće.
- 9.02. Omladinska liga „Centar“ podijeljena je u dvije grupe „Centar 1“ i „Centar 2“ prema regionalnoj podijeljenosti i igra se po dvostrukom bod sistemu.
- 9.03. Kalendar takmičenja, usvaja IO NS FBiH, najkasnije 30 (trideset) dana prije početka jesenjeg, odnosno proljetnog dijela prvenstva, a taj rok može biti pomjeren za 15 dana.
- 9.04. Raspored odigravanja prvenstvenih utakmica prvog dijela određuje se prije početka takmičarske godine žrijebom uz mogućnost primjene poludirigovanog načina žrijebanja samo za klubove iz istog mjesta gdje igraju svoje prvenstvene utakmice kao domaćini, s tim da ako su zainteresovani mogu podnijeti pismeni zahtjev komesaru za takmičenje da im se omogući razdvajanje odigravanja prvenstvenih utakmica kao domaćina u odnosu na klub iz istog mjesta, i to najkasnije pet dana od određenog datuma provođenja žrijeba za raspored takmičenja za takmičarsku godinu.
- 9.05. Odluku o izmjenama kalendara takmičenja, u slučaju proglašenja vanrednog stanja ili stanja nesreće od strane nadležnih organa BiH ili Federacije BiH, donosi Komisija za takmičenje NS Federacije BiH.
- 9.06. Konačnu odluku o svim zahtjevima kao i modalitetu žrijebanja takmičarskih parova donosi komesar za takmičenje, s tim da se mora voditi računa da se ne narušava interes i pravo ostalih klubova učesnika takmičenja. Odluka komesara za takmičenje je konačna.
- 9.07. Raspored utakmica za prvenstvo Omladinske lige BiH određuje se žrijebom takmičarskih brojeva klubova sudionika i primjenom „Bergerove tablice“.

Član 10.

- 10.01. Klubovi učesnici takmičenja su obavezni najkasnije 15 dana prije početka prvenstva dostaviti u pismenoj formi Sekretarijatu za takmičenje NS FBiH slijedeće informacije:
 - a. mjesto u kojem će kao domaćin igrati svoje prvenstvene utakmice
 - b. naziv stadiona (stalni i zamjenski)
 - c. vrijeme odigravanja utakmica (subota-nedjelja)
 - d. boju sportske opreme (majica, šorc, štucne) u kojoj će nastupati klub, kao i rezervnu boju sportske opreme
 - e. spisak registrovanih igrača, kao i službenih zvaničnika kluba koji će obavljati dužnosti na prvenstvenim utakmicama

Član 11.

- 11.01. Utakmice Omladinske lige BiH grupa „Centar“ i „Jug“ se u pravilu igraju subotom i nedjeljom, osim ako kalendarom takmičenja nije drugačije propisano.
- 11.02. Utakmice juniora i kadeta se igraju u trajanju 2x45 minuta.
- 11.03. Odmor između dva dijela igre traje minimalno 10, a maksimalno 15 minuta.

V - USLOVI ZA UČESTVOVANJE U TAKMIČENJU

Član 12.

12.01. Za sudjelovanje u takmičenju Omladinske lige BiH, pored ostalih, klubovi moraju ispunjavati sljedeće uvjete:

12.02. IGRALIŠTA:

- a. Da posjeduju odgovarajuće igralište sa kvalitetnom travnatom plohom za igru, sa prirodnom podlogom ili umjetnom podlogom sa potrebnim certifikatom i dozvolom Nogmetnog saveza Federacije BiH dimenzija 100-110 m dužine i 64-75 m širine. Teren mora biti zatravljen cijelom površinom i potpuno ravan da bi se omogućilo normalno kretanje.
- b. Izuzetno, organ koji rukovodi takmičenjem može donijeti odluku o prijemu terena za igru sa manjim dimenzijama od naznačenih (90-110 metara dužine i 55-75 metara dužine) u slučajevima kada stadion ispunjava ostale uvjete iz Propozicija takmičenja a ne postoji objektivna mogućnost za proširenjem terena za igru.
- c. Teren za igru mora biti odvojen od gledališta žičanom (zatvorenom) ogradom punog profila i odgovarajućeg kvaliteta. Ograda mora biti dovoljno udaljena od uzdužne i poprečne linije. Minimalna visina ograde je 120 cm, računajući sa nivoa tribina.
- d. Igralište mora posjedovati zaštitne kabine odgovarajućeg kvaliteta za rezervne igrače i stručno vodstvo ekipa za najmanje 13 osoba (13 fiksiranih sjedalica) kao i odvojenu kabinu za delegata utakmice, a sve zaštićeno od kiše i vjetra. Kabine se postavljaju na uzdužnoj strani igrališta, propisno udaljene od terena za igru, odnosno uzdužne linije (dva do tri metra).
- e. Na stadionu moraju postojati svlačionice za minimalno dvije ekipe a potrebno je osposobiti četiri svlačionice za timove i posebna svlačionica za suce. Sve svlačionice trebaju imati mokre čvorove- kupatila sa toplom vodom, za igrače sa tri (3) tuš ruže, a kod sudaca jedna (1) tuš ruža. Svaka svlačionica (sudijska posebno) treba imati zaseban WC.
- f. Stadionu gdje se igraju utakmice Omladinske lige BiH grupa Centar i Jug moraju imati tribinski prostor za smještaj najmanje 100 gledatelja.
- g. Izlazak na teren i povratak igrača u svlačionicu, stručnih rukovodstava ekipa, delegata i sudaca, mora biti osiguran i odvojen od gledatelja. Prolaz od svlačionica do terena za igru mora biti fizički odvojen od gledatelja.
- h. Na stadionu treba biti posebna prostorija za sastavljanje zapisnika. Na stadionima klubova i za utakmice Omladinske lige BiH u službenom prostoru za zapisnik, klub domaćin treba da obezbijedi:
 - ispravan kompjuter sa štampačem,
 - ispravnu internet konekciju za potrebe COMET informacionog sistema,
 - ispravnu telefonsku liniju i telefaks.Neispunjavanje uvjeta ove tačke sa sobom povlači disciplinske sankcije.
- i. Uz teren ili na tribinama, za snimatelja utakmice mora biti izrađeno uzvišeno i potpuno zaštićeno od vremenskih neprilika i publike mjesto minimalne visine 3,0 metra, na poziciji središnje crte igrališta kako bi se mogao pokriti cijeli teren za snimanje.
- j. Snimanje utakmica regulisano je posebnim uputstvom o snimanju utakmica izdatim od strane NS FBiH.

- k. Klub domaćin Omladinske lige BiH obavezan je omogućiti snimanje utakmice zainteresiranom klubu-gostu pod prijetnjom disciplinskih sankcija.
- l. Igralište mora biti primljeno od nadležne Komisije NS FBiH za prijem igrališta i registrirano za odigravanje prvenstvenih utakmica. Zapisnik o prijemu-registraciji igrališta treba da je javno istaknut u prostoriji gdje se sačinjava zapisnik utakmice.
- m. Klubovi koji ne ispunjavaju uvjete iz ovog člana, pod „igralište“ ovih Propozicija, mogu u cilju provođenja takmičenja uzeti pod zakup igralište nekog drugog kluba ili vlasnika potpisivanjem sporazuma o korištenju igrališta, s tim da isto ispunjava uvjete iz člana 12.02. pod „igralište“ ovih Propozicija.

VI – ORGANIZACIJA UTAKMICA - DUŽNOSTI KLUBOVA

Član 13.

13.01. Priprema terena, prostorija i podobnost

- a. Klub domaćin utakmice je obavezan pripremiti teren za igru, kao i sve ostale prostorije (svlačionice, kancelarije i sl.), da su čiste, zagrijane, sa toplom vodom, opremljene sa svim tehničkim pomagalima najkasnije 60 (šezdeset) minuta prije određenog termina za početak utakmice.
- b. Utvrđivanje podobnosti terena za igru vrši sudija utakmice u prisustvu oba kapitena ekipa koje nastupaju na utakmici.
- c. Odluku o podobnosti terena za odigravanje utakmice donosi isključivo sudija utakmice u skladu sa Pravilima nogometne igre.

13.02. Dolazak klubova na utakmicu

- a. Klubovi su obavezni doći na stadion na kome će se odigrati utakmica najkasnije 60 (šezdeset) minuta prije utvrđenog vremena za početak utakmice i nastupiti sa najboljim sastavom ekipa, te prisustvovati radnom sastanku (brifingu) kojim predsjedava delegat utakmice.

13.03. Spiskovi igrača

- a. Klub domaćin obavezan je da delegatu utakmice stavi na raspolaganje ispravan računar sa priključkom na internet i printer. Klubovi su dužni da najkasnije 60 (šezdeset) minuta prije početka utakmice, dostave delegatu na propisanom obrascu, spisak igrača i službenih lica koja će nastupati na utakmici, kao i sportske iskaznice i odgovarajuće akreditacije za iste.
- b. Spisak mora biti ovjeren i potpisan od zvaničnog predstavnika kluba. Spisak prijavljenih igrača mora sadržavati podatke igrača prijavljenih u COMET sistem. U slučaju da sistem COMET nije u funkciji vođenje zapisnika sa utakmice se radi ručno, a naknadno će delegat u sistemu COMET napraviti zapisnik.

13.04. Zastave

- a. Klub domaćin obavezan je na jarbole postaviti Državnu zastavu Bosne i Hercegovine i zastavu NS/FS BiH. Na jarbolima mogu biti entitetske zastave, zastave kantona/županija, klupske zastave i zastave fair-playa. Istaknute zastave trebaju biti istih dimenzija. Postavljanje drugih zastava nije dozvoljeno, a slučaju nepoštivanja ove odredbe klub će snositi disciplinske sankcije.

13.05. Odgovornost kluba domaćina

- a. Klubovi su odgovorni za ponašanje svojih igrača, službenih osoba, članova, navijača i svake druge osobe koja obavlja dužnost na utakmici u ime kluba.
- b. Za propuste u organizaciji utakmice klubovi će snositi takmičarske i disciplinske posljedice prema važećim propisima NS FBiH i NS/FS BiH.

13.06. Mjere obezbjeđenja

- a. Organizaciju utakmica vrše klubovi domaćini, koji su obavezni obezbijediti sve uslove u skladu sa važećim propisima. Klub domaćin je obavezan poduzeti sve potrebne mjere za sigurnost sudaca, delegate i gostujućeg tima, za vrijeme odigravanja utakmice i sve do napuštanja igrališta-stadiona odgovarajućim prevoznim sredstvom.

13.07. Osiguranje utakmice

- a. Klub domaćin obavezan je izvršiti najavu utakmice kod nadležne policijske uprave i zatražiti policijsko obezbjeđenje, te se blagovremeno pobrinuti da na utakmicama juniora i kadeta budu prisutni pripadnici policije.
- b. Klub domaćin je na svim utakmicama obavezan osigurati akreditiranog komesara za bezbjednost kao i redarsku službu koji će se starati o sigurnosti svih aktera utakmice.
- c. Utakmica se neće igrati bez prisustva pripadnika policije, sanitetskog vozila i licenciranog medicinskog ljekara ili fizioterapeuta, te komesara za bezbjednost. U slučaju neispunjavanja prethodno navedenih uslova iz takmičenja, sve posljedice snosi klub domaćin.

13.08. Medicinska služba

- a. Klub domaćin obavezan je na svim utakmicama osigurati ljekarsku službu i vozilo hitne medicinske pomoći, koje mora biti uz igralište i u slučaju potrebe obaviti prijevoz do zdravstvene ustanove.
- b. Ukoliko vozilo prve pomoći ne dođe na igralište do početka utakmice, ista neće započeti sve dok klub ne osigura prikladno i obilježeno osobno vozilo, kojim će se u slučaju potrebe, ozlijeđeni prevesti do najbliže zdravstvene ustanove.
- c. Klub domaćin dužan je da osigura za cijelo vrijeme trajanja utakmica kadeta i juniora prisustvo dežurnog licenciranog ljekara ili fizioterapeuta sa odgovarajućom medicinskom opremom.

13.09. Lopte za igru

- a. Za odigravanje prvenstvenih utakmica domaćin je dužan osigurati najmanje tri lopte za svaku od utakmica.
- b. Klub domaćin obavezan je osigurati dovoljan broj skupljača lopti propisno odjevenih, a u slučaju da na igralištu nema skupljača lopti, domaćin je obavezan obezbijediti šest lopti.
- c. U slučaju da se utakmica igra po snijegu- odnosno da je teren pokriven snijegom, lopta mora biti crvene boje.

Član 14.

14.01. Klubovi su obavezni vršiti snimanje svih domaćih utakmica juniorskih timova.

14.02. Uz teren ili na tribinama, za snimatelja utakmice mora biti izrađeno uzvišeno i potpuno zaštićeno od vremenskih neprilika i publike mjesto minimalne visine 3,0 metra, na poziciji središnje crte igrališta kako bi se mogao pokriti cijeli teren za snimanje.

- 14.03. Snimanje utakmica regulisano je posebnim uputstvom o snimanju utakmica izdatim od strane NS FBiH.
- 14.04. Klub domaćin obavezan je omogućiti snimanje utakmice zainteresiranom klubu-gostu, pod prijeljnom disciplinskih sankcija.

Član 15.

- 15.01. Klub domaćin je obavezan da poduzme sve mjere i radnje u cilju zaštite: članova gostujuće ekipe, sudaca, delegata utakmice neposredno prije početka utakmice, u toku, između dva poluvremena i po završetku utakmice, a sve do napuštanja stadiona za odigravanje utakmice, kao i poduzeti sve mjere na stadionu za odigravanje utakmice i oko njega, predviđene ovim Propozicijama takmičenja, Pravilnikom o bezbjednosti na utakmicama saveznog stepena takmičenja NS/FS BiH, kao i ostalim pravilnicima, odlukama, propisima i uputstvima NS/FS BiH i NS FBiH.

VII - PROMJENA TERMINA ODIGRAVANJA UTAKMICA

Član 16.

- 16.01. Klub domaćin obavezan je do srijede do 12:00 sati u NS FBiH izvršiti najavu utakmica, te o tome obavijestiti i protivnički klub. Klub domaćin koji u propisanom roku ne dostavi najavu utakmice komesar za takmičenje Omladinske lige BiH će utvrditi termin utakmice na osnovu rasporeda i kaledara takmičenja.
- 16.02. Promjena termina odigravanja utakmice nakon termina navedenog u tački 1. ovog člana moguće je izvršiti samo uz potpisanu i ovjerenu pismenu saglasnost drugog kluba (protivnika) utakmice.
- 16.03. Ukoliko klub domaćin za odigravanje utakmice predlaže radni dan, također je potrebna potpisana i ovjerena pismena saglasnost drugog kluba (protivnika) utakmice.
- 16.04. Konačnu odluku o zahtjevu kluba za promjenu termina utakmice donosi komesar za takmičenje Omladinske lige, s tim da se kod donošenja odluke moraju imati u vidu odredbe člana 19. i 20. Pravilnika o nogometnim takmičenjima NS/FS BiH
- 16.05. Odluka komesara za takmičenje o podnesenom pismenom zahtjevu za promjenu termina odigravanja utakmice je konačna i ona se dostavlja zainteresiranim klubovima i ostalim učesnicima takmičenja.
- 16.06. Izuzetno, komesar za takmičenje NS FBiH u slučaju ukazane potrebe ili više sile, a u cilju regularnosti takmičenja i zaštite nogometaša, može i u roku kraćem od tri dana donijeti odluku o promjeni termina utakmica.
- 16.07. Odložena utakmica se treba odigrati do naredne srijede, računajući od termina utvrđenog kalendarom i rasporedom takmičenja.

VIII - ODLAGANJE UTAKMICE

Član 17.

- 17.01. Ako se odlukom nadležnog državnog organa (Vijeće ministara BiH, entitetske vlade ili lokalni organi uprave) proglašuje Dan žalosti na području gdje se prema rasporedu takmičenja tog dana igraju utakmice Omladinske lige BiH, takmičarski organ koji rukovodi

takmičenjem, može odrediti novi termin odigravanja utakmice, u skladu sa Kalendarom takmičenja, pri tome vodeći računa da se obezbijedi regularnost takmičenja.

- 17.02. U slučaju kada zbog Dana žalosti nije izvršeno odlaganje utakmice, obaveza je klubova da prije početka utakmice na terenu za igru odaju počast minutom šutnje ili na drugi prikladan način prema nastradalim zbog čega je proglašen Dan žalosti.
- 17.03. U slučaju kada je Dan žalosti proglašen od strane Vijeća ministara BiH, klub domaćin je obavezan da obezbijedi da na jarbolima stadiona zastave budu spuštene na pola koplja ili jarbola, a igrači na terenu za igru na rukavu dresa mogu nositi obilježje crne trake kao znak žalosti.
- 17.04. Klub domaćin obavezan je da putem razglasa zamoli sve učesnike utakmice da se suzdrže od bilo kakvih postupaka suprotno pijetetu zbog kojeg je proglašen dan žalosti.

Član 18.

- 18.01. Ako se u toku trajanja utakmice, na osnovu javnog saopštenja od strane nadležnog organa iz prethodnog člana, proglasi Dan žalosti, utakmica se neće trajno prekinuti, ali je sudija utakmice dužan da u prvom privremenom prekidu igre zaustavi igru i zatraži od igrača na terenu da minutom šutnje izraze saučešće prema nastradalim ili umrlim osobama.

Član 19.

- 19.01. Kada nadležni organ policije sa područja na kojem se trebaju odigrati rasporedom takmičenja prvenstvene utakmice, obavijesti komesara za takmičenje pismenim putem, da bi odigravanje utakmice prema utvrđenim terminima moglo imati ozbiljnih posljedica po bezbjedonosnu situaciju učesnika utakmice, komesar za takmičenje obavezna je uzeti u razmatranje pismeni zahtjev policijskog organa za odlaganje utakmice, te donijeti odluku u vezi sa odlaganjem utakmice, vodeći računa da se zadovolje kriteriji bezbjedonosnog-sigurnosnog aspekta i zaštite regularnosti takmičenja.
- 19.02. Odlaganje utakmice može trajati najduže do deset dana u odnosu na rasporedom utvrđeni termin. Odluka komesara za takmičenje je konačna i obavezujuća za sve učesnike utakmice.

Član 20.

- 20.01. U slučaju proglašenja vanrednog stanja ili stanja nesreće od strane nadležnih organa BiH ili Federacije BiH, sve odluke vezane za takmičenje donosi Komisija za takmičenje NS FBiH odnosno Izvršni odbor Nogometnog saveza Federacije BiH u skladu sa Statutom Nogometnog saveza Federacije BiH i ostalim pravilnicima i odlukama.

IX – NAJMANJI BROJ IGRAČA U IGRI

Član 21.

- 21.01. Klub je obavezan za kadetski i juniorski tim u NS Federacije BiH 15 dana prije početka prvenstva dostaviti spisak igrača, a potrebno je da svaki kadetski i juniorski tim prije početka prvenstva ima najmanje 18 prijavljenih i uredno registriranih igrača.
- 21.02. Utakmica ne može da počne po Pravilima nogometne igre ako jedna od ekipa nema najmanje sedam igrača na terenu za igru, od kojih je jedan vratar i kapiten. Ako jedna ekipa za vrijeme igre ostane sa manje od sedam igrača, sudac je dužan da zaustavi igru, a ako u roku od pet minuta klub ne nastupi s minimalnim brojem igrača, sudac je dužan da označi kraj utakmice.

- 21.03. Svaka ekipa u zapisnik sa utakmice prijavljuje maksimalno 18 igrača. Klubovi koji nemaju najmanje 14 igrača u zapisniku sa utakmice snosit će disciplinske sankcije.
- 21.04. Klub Omladinske lige BiH grupa „Centar“ i „Jug“, ukoliko na zvaničnoj utakmici nastupi sa manje od 14 igrača kazna, bit će kažnjen novčanom kaznom od 100 KM.
- 21.05. Klub Omladinske lige BiH grupa „Centar“ i „Jug“, ukoliko na zvaničnoj utakmici nastupi sa manje od 11 igrača kazna, bit će kažnjen u iznosu od 200 do 500 KM;
- 21.06. Svi klubovi prije potvrde učešća u takmičenju Omladinske lige BiH moraju dostaviti dokaz da imaju najmanje po 18 registriranih igrača za kadetsku i juniorsku ekipu.
- 21.07. Klub čije juniorske i kadetske selekcije nastupaju u Omladinskoj ligi BiH obavezan je na svakoj utakmici nastupiti sa dva tima: kadetima i juniorima.
- 21.08. Nenastupanje sa jednim od navedenih timova, tretirat će se kao da klub nije nastupio u tom kolu, sa predviđenom odgovornošću kluba i isključenja iz takmičenja u slučaju nenastupanja na dvije utakmice shodno odredbama Pravilnika o nogomentim takmičenjima NS/FS BiH.
- 21.09. U slučaju neopravdanog nenastupanja na utakmici klub će snositi takmičarske i disciplinske posljedice u skladu sa odredbama Pravilnika o nogometnim takmičenjima i Disciplinskog pravilnika NS/FS BiH.

Član 22.

- 22.01. Tokom utakmice kadeta i juniora svaki tim može izvršiti najviše po pet izmjena.
- 22.02. Zamjenu igrača tokom utakmice klubovi su obavezni vršiti na posebnom listiću koji je propisan od strane NS FBiH.

X – PRAVO NASTUPA

Član 23.

- 23.01. Pravo nastupa na utakmicama kadetske lige u takmičarskoj 2020/2021 godini imaju igrači rođeni **01.01.2004.** godine i mlađi, ali ne mlađi od 14 godina.
- 23.02. Pravo nastupa na utakmicama juniorske lige u takmičarskoj 2020/2021 godini imaju igrači rođeni **01.01.2002.** godine i mlađi, ali ne mlađi od 16 godina.
- 23.03. Ukoliko u ligi nastupaju kadetski i juniorski timovi klubova Premijer lige BiH pravo nastupa imaju: kadeti rođeni **01.01.2005.** godine, i juniori rođeni **01.01.2003.** godine. Klubovi Premijer lige BiH na utakmicama Omladinske lige BiH „Centar“ i „Jug“ mogu u zapisniku sa utakmice imati maksimalno tri igrača rođena **01.01.2004.** godine u kadetskoj konkurenciji i maksimalno tri igrača rođena **01.01.2002.** godine u juniorskoj konkurenciji.
- 23.04. Izuzetno mogu nastupiti i igrači koji su godinu dana mlađi od naznačenih godina, ukoliko su na osnovu specijalnog ljekarskog pregleda proglašeni sposobnim za nastupe na tim utakmicama, pod uslovom da je to i uvedeno u igračkoj legitimaciji.
- 23.05. Na utakmicama mogu nastupiti samo igrači koji su operativni u COMET informacionom sistemu.

XI – IDENTITET IGRAČA

Član 24.

- 24.01. Na prvenstvenim utakmicama mogu nastupiti samo igrači čiji je identitet utvrđen putem sportske legitimacije izdate od nadležnog organa za registraciju ili fotografije iz COMET

informativnog sistema, a u slučaju njenog nedostatka identitet će se utvrditi na osnovu javne isprave: lične karte ili pasoša.

- 24.02. Delegat je obavezan prije početka svake utakmice izvršiti identifikaciju igrača na način što će izvršiti upoređivanje fotografije na igračkoj legitimaciji ili posebnom obrascu, sa likom igrača, kao i broj dresa sa zapisnikom utakmice.
- 24.03. Za igrače koji su zakasnili na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.
- 24.04. Ukoliko se identitet utvrđuje na osnovu ličnih isprava, a protivnički klub najavi žalbu, klub je obavezan Komesaru za takmičenje dostaviti sportsku legitimaciju u roku od 24 sati po odigranoj utakmici.
- 24.05. Svi igrači trebaju imati adekvatnu fotografiju pohranjenu u COMET informativni sistem.

Član 25.

- 25.01. Klubovi su obavezni voditi evidenciju opomenutih igrača i evidenciju isključenih igrača te po potrebi tačnost evidencije provjeriti u Sekretarijatu za takmičenje NS FBiH.
- 25.02. U slučaju nastupa igrača pod suspenzijom, takmičarske posljedice će snositi klub, a prema odredbama DP NS/FS BiH, disciplinske posljedice će snositi klub, igrač i službena osoba kluba koja je suspendovanog igrača stavila u tim.

XII – LIJEKARSKI PREGLED I ČLANARINA

Član 26.

- 26.01. Svaki igrač koji nastupa u takmičenju mora imati u sportskoj legitimaciji upisan nalaz o izvršenom lječarskom pregledu koji sadrži ocjenu o zdravstvenoj sposobnosti, čitak datum izvršenja pregleda, potpis i faksimil lječara i pečat ustanove koja je izvršila pregled ili u izuzetnim slučajevima potvrdu o izvršenom lječarskom pregledu sa opisom sadržaja iz sportske legitimacije. Važnost potvrde iz prethodnog stava traje samo za jednu utakmicu.
- 26.02. Lječarski pregled važi šest (6) mjeseci, a za igrače mlađe od 17 godina četiri (4) mjeseca.
- 26.03. Obavljeni lječarski pregled mora sadržavati obavezujuće elemente koje je propisala Komisija za sportsku medicinu NS FBiH.
- 26.04. Za igrača koji nema upisan važeći lječarski pregled u sportskoj legitimaciji ili važeću potvrdu, delegat utakmice neće dozvoliti nastup na utakmici.

XIII – OPREMA IGRAČA

Član 27.

- 27.01. Klubovi moraju poštivati boju sportske opreme kluba protivnika, koje su prije početka prvenstva prijavljene u Sekretarijat saveza i koje su objavljene u biltenu NS FBiH.
- 27.02. Timovi na jednoj utakmici ne mogu igrati u istim ili sličnim bojama sportske opreme. Ekipe su dužne usaglasiti boje opreme 72 sata prije zvaničnog termina odigravanje utakmice, u skladu sa prijavljenim osnovnim bojama. U slučaju da se podudara boja opreme kod dva tima dresove će promijeniti domaća (prvoimenovana) ekipa, a delegat utakmice je obavezan prijaviti tim zbog zanemarivanja boje sportske opreme, a klub će snositi disciplinsku odgovornost.

- 27.03. Brojevi na dresovima moraju odgovarati onima na popisu igrača u zapisniku o utakmici. Ako su dresovi prugasti ili šareni, brojevi moraju biti na jednobojnoj podlozi. Za vrijeme odigravanja utakmice igrači na poledini dresova moraju imati vidljive brojeve propisane veličine.
- 27.04. Obavezna oprema igrača je:
- dres
 - šorts
 - štucne
 - kostobrani
- 27.05. Također, igrači koji se nalaze u tehničkom prostoru obavezni su nositi markere na dresu.
- 27.06. Delegat i glavni sudac utakmice na organizacionom sastanku izvršit će provjeru cjelokupne opreme timova i sudaca te odobriti boju sportske opreme za utakmicu.

XIV – SLUŽBENE OSOBE KLUBA

Član 28.

- 28.01. Za vrijeme odigravanja prvenstvenih utakmica u stadionu, pored terena za igru, u tehničkom prostoru moraju se nalaziti lica akreditovana od strane NS FBiH ili NS/FS BiH i koja će obavljati dužnost na utakmicama, te koja moraju biti prikladno odjevena i to:
1. Službeni predstavnik kluba (akreditacije izdaje NS FBiH);
 2. Treneri kadeta i juniora sa PRO, A ili B UEFA trenerskom licencom registrirani u COMET informacioni sistem od strane Centra za edukaciju kadrova NS/FS BiH;
 3. Ljekar kluba ili fizioterapeut na domaćim utakmicama (akreditacije izdaje NS FBiH);
 4. Igrači u sportskoj opremi sa markerima;
 5. Komesar za bezbjednost na domaćim utakmicama (akreditacije izdaje NS FBiH).
- 28.02. Svaki klub na utakmicama kadeta i juniora mora obavezno imati akreditiranog službenog predstavnika.
- 28.03. Klub je obavezan da u skladu sa normativima vaspitno-pedagoškog rada i obavezama iz takmičenja, na svakoj utakmici obavezno ima dva trenera. Od toga je jedan trener kadetskog tima uz obavezu da se stara o igračima-kadetima, a drugi trener juniorskog tima.
- 28.04. Na klupi kluba Omladinske lige BiH mogu sjediti treneri samo sa validnom UEFA licencom a koji su registrirani putem COMET informacionog sistema. Za utakmice Omladinske lige BiH validne su UEFA PRO, A ili B trenerske licence.
- 28.05. C trenerska licenca izdata od strane Centra za edukaciju kadrova NS/FS BiH ne vrijedi za utakmice Omladinske lige BiH.
- 28.06. Klub domaćin mora imati akreditiranog ljekara ili fizioterapeuta i komesara za bezbjednost.
- 28.07. Predstavnik kluba, glavni trener ili pomoćni trener ne mogu biti ista osoba.
- 28.08. Sve službene osobe obavezne su tokom cijele utakmice imati vidno istaknutu takmičarsku akreditaciju.
- 28.09. Delegat je obavezan prije početka svake utakmice izvršiti identifikaciju u zapisnik prijavljenih službenih osoba kluba (predstavnik kluba, trener, ljekar, fizioterapeut i komesar za bezbjednost) na način što će izvršiti upoređivanje fotografije na akreditaciji, sa likom osobe.
- 28.10. Delegat neće dozvoliti obavljanje dužnosti službenoj osobi (predstavnik kluba, ljekar, fizioterapeut i komesar za bezbjednost) koja nema validnu akreditaciju ili licencu koju izdaje NS FBiH ili NS/FS BiH.

XV – DELEGAT NA UTAKMICI

Član 29.

- 29.01. Komesar za takmičenje određuje delegate sa liste delegata, Prve i Druge lige NS FBiH i Prve i Druge lige FS RS, Sekretarijata takmičenja, a izuzetno i Premijer lige BiH pri tom vodeći računa o udaljenosti mjesta odigravanja utakmice i troškovima službenih lica.
- 29.02. Delegat zastupa komesara za takmičenje i ima vrhovni nadzor na utakmici.
- 29.03. Delegat je obavezan da 60 minuta prije početka utakmice održi radni sastanak (brifing) sa predstavnicima klubova, sudijama utakmice, komesarom za bezbjednost kluba domaćina i predstavnikom policije.
Kašnjenje na radni sastanak – brifing povlači disciplinsku odgovornost.
- 29.04. Delegat je obavezan na stadion doći 60 minuta prije početka utakmice te u potpunosti poštivati kodeks odijevanja.
- 29.05. Delegat je dužan na brifingu, prije početka utakmice, izvršiti provjeru da li je klub isplatio pripadajuće naknade svakom službenom licu pojedinačno što se odnosi na prethodnu utakmicu.
- 29.06. Delegat je obavezan dostaviti dopunski izvještaj u roku od 24 sata po odigravanju utakmice, ukoliko je na utakmici došlo do incidenata, prekida utakmice kao i na zahtjev komesara za takmičenje.
- 29.07. Delegatu utakmice treneri klubova Omladinske lige BiH „Centar” i „Jug” za kadete i juniore dužni su nakon svake odigrane utakmice ispuniti anketni listić, te isti dostaviti delegatu utakmice.

Član 30.

- 30.01. Delegat utakmice zapisnik i izvještaj sa utakmice dostavlja kroz COMET sistem. Po završetku utakmice zapisnik sa utakmice sastavljen putem COMET informacionog sistema, savnjavaju delegat i sudac, nakon čega delegat zaključi izvještaj fair-playa, a sudac utakmice svojom šifrom zaključuje zapisnik sa utakmice.
- 30.02. Delegat utakmice je obavezan u roku od 24 sata po odigranoj utakmici ili najkasnije prvi radni dan do 11:00 sati, u COMET informacionom sistemu zaključiti delegatski izvještaj.

XVI – SUCI

Član 31.

- 31.01. Komesari za suđenje određuju suce sa liste sudaca, Prve i Druge lige NS FBiH te Prve i Druge lige FS RS.
- 31.02. Izuzetno na utakmice Omladinske lige BiH se mogu delegirati i suci sa liste Premijer lige BiH kao i talentovani suci sa liste kantonalnih/županijskih/regionalnih liga a vodeći računa o udaljenosti mjesta odigravanja utakmice i troškovima službenih lica.
- 31.03. Suci koji se nalaze na listama Prve i Druge lige Federacije BiH obavezni su se prilikom delegiranja staviti na raspolaganje Nogometnom savezu Federacije BiH te su obavezni pismenim putem potvrditi delegiranje na utakmicama Omladinske lige BiH grupa „Centar” i „Jug”, a u slučaju nemogućnosti obavljanja službene dužnosti na utakmicama Omladinske lige BiH grupa „Centar” i „Jug” dostaviti valjano opravdanje.

- 31.04. Suci su obavezni na stadion doći 60 minuta prije početka utakmice te u potpunosti poštivati kodeks odijevanja.
- 31.05. Sudac utakmice je dužan da prije početka utakmice pregleda i odluči da li je teren podoban za igru.
- 31.06. Ako sudac utvrdi u prisustvu dva kapitena ekipe da je teren nepodoban za igru, utakmica se neće igrati, a sudac će sačiniti poseban izvještaj o nepodobnosti terena za igru.
- 31.07. Sudac je dužan da nakon utakmice u svom izvještaju navede podatke koje se odnose na postignute pogotke, zamijenjene, opomenute i isključene igrače, a prema potrebi i druge podatke, ako se radi o prekidu utakmice, neredu, tuči, uključujući eventualne prijave i sl.

XVII – REGISTRACIJA UTAKMICA

Član 32.

- 32.01. Ako na utakmicu nije uložena žalba, a ne postoje uslovi za registraciju po službenoj dužnosti, utakmicu komesar za takmičenje Omladinske lige BiH grupa „Centar“ i „Jug“ registruje postignutim rezultatom.
- 32.02. Ako je prvostepena odluka pravosnažna, ili je donijeta drugostepena odluka koja je konačna, jednom registrovana utakmica ne može biti poništena, izuzev u postupku zaštite zakonitosti Pravilnika o nogometnim takmičenjima NS/FS BiH.
- 32.03. Komesar za takmičenje vrši analizu i registraciju odigranih utakmica na prvom narednom sastanku, a termin održavanja istog utvrđuju u dogovoru Komesar za takmičenje i Generalni sekretar NS FBiH.
- 32.04. Izuzetno, Komesar za takmičenje registraciju odigranih utakmica može izvršiti putem e-maila, telefona ili faksa.
- 32.05. Ako je na utakmicu uložena žalba, rok za registraciju utakmice se produžava do konačne odluke.

XVIII - ŽALBE

Član 33.

- 33.01. Žalbe se po svim osnovama moraju najaviti 24 sata nakon odigrane utakmice elektronskim putem, telegramski, e-mailom ili faxom koji ima automatski ispis datuma i vremena o najavi žalbe.
- 33.02. Žalba sa pismenim obrazloženjem sa dokazom o uplaćenju taksu mora se dostaviti u NS Federacije BiH u roku od 48 sati po odigranoj utakmici.
- 33.03. Ukoliko rok za ulaganje žalbe ili najava žalbe ističe u nedjelju ili na državni praznik, rok za ulaganje žalbe se produžava za prvi naredni radni dan.
- 33.04. Žalba se dostavlja putem Sekretarijata NS FBiH, komesaru za takmičenje Omladinske lige BiH.
- 33.05. Uz žalbu se dostavlja dokaz o uplaćenju taksu u skladu sa odlukom IO NS FBiH.

Član 34.

- 34.01. Nenajavljene, neblagovremene i žalbe koje nisu uredno taksirane neće biti uzete u razmatranje, već će biti odbačene, a utakmica će se registrovati postignutim rezultatom.

- 34.02. Odluke po uložnim žalbama biti će donijete u roku od osam dana od dana prijema žalbe.
- 34.03. Pri ocjeni pravovremenosti i validnosti najave žalbe i žalbe uzima se u obzir datum poslanog e-maila, poštanski žig preporučenog pisma ili telegrama, datum na faksu kao potvrdi o žalbi te datum na novčanoj uplatnici.

Član 35.

- 35.01. Žalbe u prvom stepenu rješava komesar za takmičenje Omladinske lige BiH grupa „Centar“ i „Jug“.

Član 36.

- 36.01. Žalba na prvostepenu odluku može se podnijeti Apelacionoj komisiji NS FBiH, u roku od tri dana od dana prijema odluke prvostepenog organa. Drugostepena odluka je konačna i biće dostavljena Komisiji za takmičenje NS FBiH na realizaciju.

Član 37.

- 37.01. U interesu regularnosti takmičenja, organ koji donosi odluke može utvrditi i skraćeni žalbeni postupak.

XIX - DISCIPLINSKE SANKCIJE

Član 38.

- 38.01. O disciplinskim prekršajima klubova, igrača, članova stručnog i tehničkog rukovodstva i funkcionera klubova i službenih lica na utakmici koji učestvuju u takmičenju, odlučuje se na osnovu Disciplinskog pravilnika NS/FS BiH i odluke Izvršnog odbora NS FBiH broj 512/20 od 01.07.2020. godine.

XX - UTVRĐIVANJE PLASMANA

Član 39.

- 39.01. Plasman klubova utvrđuje se prema odredbama Pravilnika o nogometnim takmičenjima Nogometnog/fudbalskog saveza BiH.
- 39.02. Klubovi koji se istovremeno takmiče u Omladinskoj Premijer ligi BiH i Omladinskoj ligi BiH grupa „Centar“ i „Jug“ nemaju pravo nastupa u utakmicama za prvaka grupe „Centar“ te ne mogu nastupiti na završnom turniru za prvaka Omladinske lige BiH grupa „Centar“, „Jug“, „Zapad“ i „Sjever“.
- 39.03. Nakon završenog prvenstva u Omladinskoj ligi BiH grupa „Centar“, prvaci grupa „1“ i „2“ u kadetskoj i juniorskoj konkurenciji igrat će razigravanje za prvaka Omladinske lige grupa „Centar“. U razigravanju za prvaka Omladinske lige BiH grupa „Centar“ igraju se dvije utakmice po Kup sistemu (domaćin i gost), a parovi kao i raspored se određuje žrijebom.

XXI – ZAVRŠNI DIO PRVENSTVA – FINALNI TURNIRI

Član 40.

- 40.01. Na kraju takmičarske sezone 2020/2021, Nogometni savez Federacije BiH organizirat će finalni turnir za juniore na kojem će igrati četiri najbolje plasirana tima iz NS Federacije BiH koji učestvuju u četiri grupe Omladinske lige BiH grupa „Centar“, „Jug“, „Sjever“ i „Zapad“.
- 40.02. Prvak završnog turnira za juniore je ujedno prvak Omladinske lige NS FBiH za juniore te ostvaruje plasman u juniorsku Premijer ligu BiH.
- 40.03. Finalni turnir će se igrati u jednom gradu uz tehničku organizaciju jednog od klubova učesnika finalnog turnira prema izvršenim prijavama, uz omogućavanje najboljih uslova za odigravanje turnira.
- 40.04. Pismena prijava tehničke organizacije Finalnog turnira obavezno treba da sadrži:
- Mjesto odigravanja;
 - Naziv stadiona;
 - Kapacitet stadiona;
 - Potvrdu o osiguranju svih potrebnih službi za odigravanje utakmice (*predstavnici MUP-a, hitna pomoć, redari, nosači nosila, dodavači lopti...*)
 - Ponude hotelskih smještaja sa tačnim nazivom hotela, kategoriju hotela, cijenu hotelskog smještaja za jedan puni pansion za cca 70 osoba, broj gratis smještaja, udaljenost hotela od stadiona i drugo.
- 40.05. Odlukom IO NS FBiH gradu domaćin koji ponudi kvalitetnije i povoljnije uvjete hotelskog smještaja i organizacije turnira bit će povjerena tehnička organizacija Završnice prvenstva juniorskog prvenstva.
- 40.06. Klub domaćin završnice finalnog turnira obavezan je snositi finansijske troškove službenim licima za utakmice završnice finalnog turnira Omladinske lige BiH za juniore pripada odgovarajuća naknada u skladu sa pravilnikom Izvršnog odbora NS FBiH u neto iznosu kako slijedi:
- Završnica finalnog prvenstva za juniore
- delegatu 70 KM
 - glavnom sucu 80 KM
 - sucu asistentu 60 KM
 - četvrtom sucu 30 KM
- 40.07. Troškovi službenim licima se isplaćuju nakon završnice finalnog turnira obavezno na žiro račun. Klub domaćin završnice finalnog turnira koji 72 sata nakon odigranog finalnog turnira ne izvrši isplatu pripadajućih troškova službenih lica, automatski je suspendovan i sve do izmirenja finansijske obaveze ne može igrati zvanične utakmice, a zbog zanemarivanja obaveza bit će disciplinski sankcioniran novčanom kaznom od 100 KM.
- 40.08. Na završnom turniru dobijene javne opomene u toku takmičarske sezone se brišu izuzev igrača kojima je izrečena sankcija zabrane igranja na određeni broj utakmica ili vremenski period.
- 40.09. Klub domaćin završnice finalnog turnira obavezan je vršiti snimanje svih utakmica završnice finalnog turnira za juniore.
- 40.10. Snimanje utakmica regulisano je posebnim uputstvom o snimanju utakmica izdatim od strane NS FBiH.

Član 41.

- 41.01. Također, na kraju takmičarske sezone 2020/2021, organizirat će se završni turnir za kadete na kojem će igrati četiri prvaka Omladinske lige BiH grupa „Centar“, „Jug“, „Sjever“ i „Zapad“.
- 41.02. Završni turnir će se igrati u jednom gradu uz tehničku organizaciju jednog od klubova učesnika finalnog turnira prema izvršenim prijavama, uz omogućavanje najboljih uslova za odigravanje turnira.
- 41.03. Završni turnir za kadete u takmičarskoj sezoni 2020/2021 organizirat će Fudbalski savez Republike Srpske.
- 41.04. Na završnom turniru za kadete dobijene javne opomene u toku takmičarske sezone se brišu izuzev igrača kojima je izrečena sankcija zabrane igranja na određeni broj utakmica ili vremenski period.

XXII – POPUNJAVANJE LIGE

Član 42.

- 42.01. U takmičarskoj sezoni 2021/2022 ligu će popuniti:
- Klubovi Prve lige FBiH su shodno odlukama IO NS FBiH obavezni učestvovati u takmičenju Omladinske lige BiH grupa „Centar“, „Jug“, „Zapad“ i „Sjever“.
 - Klubovi Druge lige FBiH prema prijavama za takmičenje
 - Klubovi Prve i Druge lige RS prema prijavama za takmičenje
- 42.02. Lige mogu popunuti i klubovi kantonalnih/županijskih nogometnih liga uzimajući u obzir sljedeće kriterije:
- zbirna tablica iz takmičenja juniora i kadeta iz prethodne takmičarske sezone
 - rezultati seniorskog tima iz prethodne takmičarske sezone
 - uvjeti infrastrukture i drugo

XXIII – FINANSIJSKE ODREDBE

Član 43.

- 43.01. Službenim licima za utakmice Omladinske lige BiH grupa „Centar“ i „Jug“ za kadete i juniore pripada odgovarajuća naknada, koja uključuje taksu, dnevnicu i putne troškove, u skladu sa pravilnikom Izvršnog odbora NS FBiH.
- 43.02. Sucima i delegatu kada obavljaju dužnost po nalogu NS Federacije BiH, na utakmicama Omladinskih takmičenja Federacije BiH pripada naknada u neto iznosu kako slijedi:
- Omladinska liga BiH (za dvije utakmice, juniori i kadeti)
- delegatu 80 KM
 - glavnom sucu 80 KM
 - sucu asistentu 80 KM
- 43.03. Za jednu utakmicu Omladinske lige BiH naknada službenim licima se umanjuje za 50%.
- 43.04. Troškovi službenim licima se isplaćuju odmah nakon utakmice. Klub koji 72 sata nakon odigrane utakmice ne izvrši isplatu pripadajućih troškova službenih lica, automatski je suspendovan i sve do izmirenja finansijske obaveze ne može igrati zvanične utakmice, a zbog zanemarivanja obaveza bit će disciplinski sankcioniran novčanom kaznom od 100 KM.

- 43.05. Klub je dužan validan dokaz o isplati naknada za službena lica, dostaviti delegatu na brifingu prije početka prve naredne utakmice.
- 43.06. Klub neće moći odigrati narednu utakmicu ukoliko delegatu utakmice ne dokaže da je finansijska obaveza sa prethodne utakmice (naknade) izmirena u cijelosti.
- 43.07. Klub koji istupi ili odustane od takmičenja u toku takmičarske sezone, obavezan je izvršiti isplatu finansijskih svih dugovanja u cijelosti.
- 43.08. Godišnja pretplata na Službeni glasnik NS FBiH „NOGOMET U FEDERACIJI BiH“ iznosi 100 KM za Omladinsku ligu BiH grupa „Centar“ i „Jug“.

XXIV - NAGRADE

Član 44.

- 44.01. Nogometni savez Federacije BiH prvoplasiranoj ekipama Omladinske lige BiH grupa „Centar 1“, „Centar 2“ i „Jug“ u kadetskoj i juniorskoj konkurenciji dodjeljuje pehar u trajno vlasništvo.
- 44.02. Nogometni savez Federacije BiH na završnom turniru dodjeljuje pehar za prvo, drugo, treće i četvrto mjesto, te pojedinačne nagrade za najboljeg vratara, igrača i strijelca završnog turnira.
- 44.03. Nogometni savez Federacije BiH na završnom turniru dodjeljuje nagrade za najbolje igrače i strijelce Omladinske lige BiH grupa „Centar 1“, „Centar 2“ i „Jug“ u kadetskoj i juniorskoj konkurenciji.

XXVI - ZAVRŠNE ODREDBE

Član 45.

- 45.01. Za sve što nije predviđeno ovim Propozicijama, važe odredbe Pravilnika o nogometnim takmičenjima NS/FS BiH, Pravila nogometne igre i drugih propisa NS FBiH, NS/FS BiH, FIFA-e i UEFA-e.

Član 46.

- 46.01. Propozicije stupaju na snagu danom objavljivanja na web stranici Saveza, a primjenjuju se za takmičarsku/natjecateljsku sezonu 2020/2021.

P R E D S J E D N I K

Irfan Durić

Broj: 452/20
Sarajevo: 26.06.2020.

Komisija za takmičenje Nogometnog saveza Federacije BiH, na sjednici održanoj 26.06.2020. godine donosi s l j e d e ć e:

U P U T S T V O

o snimanju utakmica Omladinske lige BiH za juniore

I CILJ UTVRĐIVANJA UPUTSTVA O SNIMANJU

U cilju postizanja potpune regularnosti takmičenja u organizaciji Nogometnog saveza Federacije BiH i omogućavanja uvida od strane takmičarskih organa u kvalitetan video-zapis cijelog toka utakmica i svih momenata od važnosti za takmičenje, Komisija za takmičenje je donijela uputstvo o načinu snimanja utakmica te ostale radnje vezano za snimanje i dostavljanje video-zapisa utakmica nadležnom organu i savezu.

II EVIDENTIRANJE I UPOZNAVANJE SNIMATELJA O UPUTSTVU

Službeni predstavnik kluba domaćina dužan je najkasnije 30 minuta prije utakmice izvršiti neposrednu prijavu pravovremenog dolaska snimatelja kod delegata utakmice, sa evidentiranjem osobnih podataka snimatelja.

Klub domaćin obavezan je snimatelju svake utakmice uručiti uputstvo NS FBiH o načinu snimanja utakmica.

Službeni predstavnik kluba domaćina i snimatelj obavezni su neposredno upoznati delegata o vrsti kamere, vrsti DVD-a, postojanju postolja za kameru, dovoljnom broju DVD-ova kako bi bio snimljen cijeli tok utakmice i ostalo vezano za utakmicu prema ovom uputstvu.

Delegat će usmeno upozoriti snimatelja na obaveze i uputstvo o snimanju.

III POZICIJA ZA SNIMANJE

Klub domaćin obavezan je obezbijediti mjesto za snimanje utakmica na uzvišenom mjestu minimalne visine 3,0 metra, na poziciji središnje crte igrališta kako bi se kvalitetno snimala cijela površina terena za igru i cijeli tok utakmice.

Pozicija za snimanje mora biti bezbjedna i ispravna sačinjena od čvrstog materijala, natkrivena i zaštićena od kiše, vjetra i ostalih nepogoda.

Snimatelj za vrijeme snimanja utakmice ne smije biti ometan od strane gledalaca, predstavnika klubova i drugih.

IV NAČIN SNIMANJA UTAKMICA

Snimatelj utakmice obavezan je na kvalitetan način snimiti:

- a) Cijeli tok prvog dijela igre i izlazak igrača i službenih lica sa terena za igru u svlačionice, sve do ulaska u iste;
- b) Cijeli tok drugog dijela igre i izlazak igrača i službenih lica sa terena za igru u svlačionice, sve do ulaska u iste nakon završetka utakmice;
- c) Na kvalitetan način snimiti svaki prekid i mogući incident, uz obavezu da snimi i zumira tačno mjesto dešavanja sporne situacije ili incidenta i sva dešavanja u tom slučaju;
- d) Nije dozvoljeno prekidanje snimanja za vrijeme utakmice, odnosno kako je to navedeno u tačkama: a), b) i c);
- e) Ispravno snimiti sva dešavanja ili moguće incidente u vezi sa službenim licima utakmice;
- f) Svaki mogući incident ili sporni momenat potrebno je snimiti sa zumiranjem.

V VRSTA KAMERE I VIDEO DISKA (VIDEO-MATERIJALA)

Utakmica mora biti snimana sa stabilnog postolja kako bi se postigla stabilnost i kvalitet snimka utakmice.

Utakmica mora biti snimana sa kvalitetnom digitalnom kamerom koja zadovoljava potrebe snimanja na udaljenosti dimenzija nogometnog igrališta i na otvorenom prostoru uz moguće vremenske nepogode za vrijeme utakmice (kiša, snijeg, vjetar itd).

Utakmice je potrebno snimati digitalnom tehnikom uz korištenje digitalnog video diska (DVD)

Snimak utakmice se uručuje delegatu na DVD-u.

Za snimanje nije dozvoljena upotreba prethodno korištenih ili neispravnih DVD-ova.

VI UPOZNAVANJE SNIMATELJA O UPUTSTVU

Klub domaćin dužan je svakom snimatelju utakmice pravovremeno uručiti ovo uputstvo o snimanju, a snimatelj se obavezuje na struktnu primjenu uputstva o načinu snimanja utakmice.

VII DOSTAVLJANJE VIDEO MATERIJALA DELEGATU UTAKMICE

Službeni predstavnik kluba domaćina obavezan je odmah nakon završetka utakmice, originalni snimak u zapečaćenoj koverti uručiti delegatu utakmice.

Delegat utakmice službenim putem, DVD u zapečaćenoj koverti i ostavljenom roku dostavlja u savez koji vodi odnosno takmičenje.

VIII PROPUSTI U SNIMANJU I DOSTAVLJANJU VIDEO-MATERIJALA

Klub koji je prema propisima obavezan, a ne snimi utakmicu, ili koji gostujućem klubu ne dozvoli snimanje utakmice, klub koji snimi ali u propisanom roku ne dostavi nadležnom organu saveza ispravan video-materijal sa utakmice ili ga dostavi u neispravnom ili neupotrebljivom stanju ili na način koji je suprotan ovom uputstvu o snimanju, snosit će sankcije u skladu sa Disciplinskim pravilnikom NS/FS BiH i odlukom IO NS FBiH.

PREDSJEDNIK
KOMISIJE ZA TAKMIČENJE
Basara Naim sr.

NOGOMETNI SAVEZ FEDERACIJE BIH

KLUBOVIMA OMLADINSKE LIGE BIH

(Aneks Propozicija takmičenja za takmičarsku 2020/2021)

ANEKS – MINIMUM MEDICINSKIH ZAHTJEVA ZA TRETMAN IGRAČA, STRUČNOG ŠTABA TIMA I SUDIJSKOG TIMA

Ovaj dokument detaljno specificira minimum medicinskih zahtjeva za takmičenje u Omladinskoj ligi BiH grupa „Centar“ i „Jug“ u smislu usluga koje treba osigurati klub domaćin za tretman igrača, stručnog štaba tima i sudijskog tima. Konkretni zahtjevi za svako takmičenje specificirani su u svakom odjeljku.

1. Ljekarsko osoblje

Zahtjevi važe za dan igranja utakmice u Omladinskoj ligi BiH grupa „Centar“ i „Jug“.

Klub domaćin odgovoran je za obezbjeđenje jednog ljekara obučenog za hitnu medicinsku pomoć koji će biti prisutan uz ivicu terena najmanje od trenutka dolaska timova na stadion i do njihovog odlaska. Tu ulogu može vršiti ljekar domaćeg tima, pod uslovom:

- da je ljekar tima obučen i kvalifikovan za hitnu prvu ljekarsku pomoć i tehnike pružanja pomoći;
- da je imenovan neki drugi dužnosnik iz kluba domaćina za olakšavanje hitne medicinske evakuacije sa stadiona bez odlaganja.

1 x ljekar za hitnu medicinsku pomoć uz teren za igru:

- Vršiti ulogu medicinskog koordinatora za stadion izuzev ako je obezbijeđen i specifični medicinski koordinator.
- Odgovoran za osiguranje potrebne medicinske opreme uz ivicu terena specificirane.
- Odgovoran samo za tretman igrača, stručnog štaba tima, sudijskog tima i oficira utakmice.

1 x ekipa za nosila (s nosilima od lesonita i najmanje dva obučena nosača (kvalifikacija u pružanju prve pomoći/iskustvo u nošenju pacijenata na nosilima).

2. Posebna napomena

Svi klubovi Omladinske lige BiH grupa „Centar“ i „Jug“ obavezni su prije odigravanja svake utakmice obezbijediti:

- Osigurati sanitarno-epidemiološke uslove u službenim prostorijama i svlačionicama (sanitarna sredstva, dezinfekcioni materijal itd)
- Osigurati medicinsku opremu u svrhu zaštite od virusa COVID-19 (sanitarne rukavice, zaštitne maske, bezkontaktne toplomjere i sl.)
- Sve osobe koje ne učestvuju u igri na terenu obavezni su nositi sanitarne rukavice i zaštitne maske te poštivati minimalan razmak (1,5 metara) između osoba.

P R E D S J E D N I K
KOMISIJE ZA SPORTSKU MEDICINU

Ćuturić Mladen vr.

Broj: 454/20
Sarajevo: 26.06.2020

KOMISIJA ZA SPORTSKU MEDICINU NS FBiH

Na osnovu člana 21. Pravilnika o radu Komisija Izvršnog odbora i pravnih tijela Nogometnog saveza Federacije Bosne i Hercegovine, Komisija za sportsku medicinu NS FBiH donosi s l j e d e ć u

O D L U K U
o obavezujućim elementima za ljekarski pregled igrača

Član 1.

Ljekarski pregled igrača mora sadržavati sljedeće minimalne obavezujuće elemente:

- a) Internistički pregled ili pedijatrijski pregled (za igrače do 16 godina), koji obavezno treba sadržavati: EKG analizu u skladu sa UEFA propisima i osnovnu laboratorijsku obradu,
- b) Oftalmološki pregled,
- c) Stomatološki pregled,
- d) Ostale testove i analize prema indikaciji.

Član 2.

Ova Odluka stupa na snagu danom objavljivanja u Službenom glasniku NS FBiH.

O b r a z l o ž e n j e

Komisija za sportsku medicinu NS FBiH je razmatrao odredbe poglavlja XII Propozicija takmičenja Omladinske lige BiH grupa „Centar“ i „Jug“ (ljekarski pregled i članarina).

Istim poglavljem predviđa se obaveza da svaki igrač, koji nastupa u nekom od prednje navedenih takmičenja, obavezno mora imati upisan nalaz o izvršenom ljekarskom pregledu koji sadrži ocjenu o zdravstvenoj sposobnosti u svojoj sportskoj legitimaciji.

Član 26.03. Propozicija takmičenja predviđa i spisak obavezujućih elemenata a za čije donošenje propisuje nadležnost Komisije za sportsku medicinu NS FBiH.

Shodno prednje navedenom, a kako bi se u potpunosti ispoštovala odredba ovog člana, te precizirala i pojednostavila njegova primjena u praksi, Komisija za sportsku medicinu NS FBiH donijela je odluku kao u dispozitivu.

P R E D S J E D N I K
KOMISIJE ZA SPORTSKU MEDICINU

Ćuturić Mladen vr.